

МЕСЯЦА ИЮНИА В 29 ДЕНЬ.

**СВЯТЫХ СЛАВНЫХ И ВСЕХВАЛЬНЫХ И
ПЕРВОВЕРХОВНЫХ АПОСТОЛ ПЕТРА И ПАВЛА.**

Творим бдение.

На малей вечерни на Господи воззвах стихиры, на 4. Глас 4:

Подобен: Дал еси знамение:

Дал еси хваление Церкви Твоей, Господи, / честныя апостолы Твоя, / в нейже просиявают мысленнии светильницы, / Петр же и Павел, / якоже звезды словесныя, / вселенную озаряюще: / имиже просветил еси западный мрак, / Иисусе Всесильне, Спасе душ наших. **[Дважды]**

Дал еси утверждение, Церкви Твоей, Господи, / Петрову твердость, / и Павлов разум, и светлую мудрость, / и обоих богогласие истинное, еллинскую прелесть отгонящее. / темже тайноводими от обоих, поем Тя, / Иисусе Всесильне, Спасе душ наших.

Дал еси образ обращения согрешающим, / оба апостолы Твоя, / оваго убо отвергшася Тебе во время страсти, и покаявшася: / оваго же проповеди Твоей сопротивляющася и веровавша, / и обою собору первостоятельствующих друзей Твоих, / Иисусе Всесильне, Спасе душ наших.

Слава, глас 8.

[Иоанна монаха:] Досадитель и гонитель церкви был еси, / Павле всеблаженне, / с небесе же зван быв, / защитил еси сию преславно: / ейже ныне моли избавитися от бед, / и спастися душам нашим.

И ныне, Богородичен.

Кров Твой, Богородице Дево, / врачевство есть духовное: / вонь бо прибегающе от душевных / недуг избавляемся.

Прокимен дне.

На стиховне стихиры, глас 2:

Подобен: Егда от древа:

Петре апостолов основание, / камению Христовы церкви, / христианов начало, / паси овцы твоего двора славно: / агнцы твоя сохрани от волков лъстивых, / избави стадо твое от напастей лютых. / ты бо молитвенника к Богу / неусыпна стяжахом воистинну, / и о тебе хвалящеся спасаемся вси.

Стих: Во всю землю изыде вещание их, * и в концы вселенныя глаголы их.

Павле языков ловче, / христиан предстателю, / вселенныя светильниче, / уста немолчна Христа Живаго Бога, / обтекий якоже солнце концы / вся проповеданием Божественныя веры, / разреши от уз греховных вся восхваляющия тя, / и красящихся молитвами твоими.

Стих: Небеса поведают славу Божию, * творение же руку Его возвещает твердь.

Петре верховный учениче, / Павле апостолов исполнение, / первии проповедницы, / ныне со дерзновением молитесь к Богу прилежно: / и скорую помощь, и разрешение бед, / вкупе низпослите скорбящим нам, / яко да похвалимся верою / и ныне в сени вашей, / дела проявляюще покров ваш.

Слава, глас 4:

[Иоанна монаха:] Христос тя перваго избрав, / Петре, основание веры венчав, / иже всех Владыка тебе предрече: / блажен еси, Симоне вар Иона, / яко плоть и кровь не яви, / священнопроповедника моего сотвори Тя, / но Отец мой, Иже есть на небесех: / Того моли, богоблаженне апостоле, / даровати нам велию милость.

И ныне, Богородичен:

Избави нас от нужд наших, / Мати Христа Бога, / Рождающая всех Творца, / да вси зовем Ти: / радуйся, едино Предстательство душ наших.

Тропарь, глас 4:

Апостолов первопрестольницы, / и вселенныя учителие, / Владыку всех молитесь, / мир вселенней даровати, / и душам нашим велию милость.

Слава, и ныне, Богородичен:

Еже от века утаенное, / и ангелом несведомое таинство, / Тобою, Богородице, сущим на земли явися Бог, / в неслитном соединении воплощаемь, / и крест волею нас ради восприим: / имже воскресив первозданнаго, / спасе от смерти души наша.

НА ВЕЛИЦЕЙ ВЕЧЕРНИ.

По обычном псалме поем: Блажен муж: 1-й антифон.

На Господи, воззвах: стихиры на 8, глас 2.

Самоподобен. Андрея Пирскаго:

Киими похвальными венцы увязем Петра и Павла, / разделенных телесы и совокупленные духом, / Богопроповедников первостоятели. / Оваго убо яко апостолов предначальника, / оваго же яко паче иных трудившася. / Сих бо воистинну достойно безсмертныя / славы венцы венчает Христос Бог наш, / имеяй велию милость.

Киими песненными добротами воспоем Петра и Павла? / Богоразумия криле, / прелетевшия концы и к Небеси вознесшияся, / руце Евангелия благодати, / нозе истиннаго проповедания, / реки премудрости, / крестныя роги, / имиже демонов бровь Христос низложи, / имеяй велию милость.

Киими духовными песнями похвалим Петра и Павла? / Безбожия заклавшия незатыкаемая уста, / страшныя Духа мечи, / Рима светлая удобрения, / вся вселенныя питатели, / Новаго Завета Богописанныя / скрижали мысленныя, / яже в Сионе Христос возгласи, / имеяй велию милость.

Слава, глас 4. Иоанна монаха:

Трикатным вопрошением, еже: / Петре, любиши ли Мя? / трикатное отвержение Христос исправил есть. / Темже и к тайноведецу Симон: / Господи, вся веси, вся знаеши, / Ты веси, яко люблю Тя. / Темже к нему Спас: / паси овцы Моя, паси избранныя Моя, / паси агнцы Моя, / яже Моею кровию снабдох во спасение. / Того моли, Богоблаженне апостоле, / даровати нам велию милость.

И ныне, Богородичен:

Иже Тебе ради богоотец пророк Давид / песненно о Тебе провозгласи, / величия тебе Сотворшему: / предста Царица одесную Тебе. / Тя бо Матерь, Ходатаицу живота показа, / без отца из Тебе вочеловечитися Благоволивый Бог: / да Свой паки обновит образ, истлевший страстьми, / и заблуждшее горохищное обрет овча, / на рамо восприим, к Отцу принесет, и Своему хотению, / с Небесными соединит Силами, / и спасет, Богородице, мир, / Христос имеяй велию и богатую милость.

Вход. Прокимен дне. И чтения три.

Соборнаго послания Петрова чтение.

Братие: Блѣвенъ бѣтъ и оцъ гда нашегѡ іиса хрѣта, ѡже по мнозехъ своѣй милти порождѣи насъ во оупованіе живо воскрѣнѣиъ іисъ хрѣтовимъ ѿ мѣртвѡхъ, въ наслѣдіе нечлѣбно и несквѣрно и неэвдѣемо, соблюдемо на нѣсѣхъ васъ ради, ѡже

силою вѣією соблюдаѣми ѣстѣ чрѣзъ вѣрѣ, во спѣіе готовое іавѣтиса во врѣма послѣднеѣ. **Ѡ** нѣмже радѣйтеса, малѣ нѣѣ, ѣще лѣпо ѣсть, прискорбни вѣвше въ различныѣхъ напѣстѣхъ: да искѣшеніе вѣшеа вѣры многочестнѣйше злѣта гѣбнѣца, Ѡгнѣмъ же искѣшена, Ѡвращѣтса въ похвалѣ и чѣсть и слава, во Ѡкровѣніи іисъ хрѣтовѣ, ѣгоже не видѣвше любите, и на негоже нѣѣ не зрѣще, вѣрѣюще же, радѣтеса радостію неизглаголанною и прославленною, прѣмиюще кончинѣ вѣрѣ вѣшей, спѣіе дѣшамъ:

Соборнаго посланія Петрова чтение.

Возлюбленни: преподѣсавше чрѣсла помышлѣніа вѣшего, трезвѣцеса, совершѣннѣ ѡповѣйте на приносимѣю вамъ вѣгѣ Ѡкровѣніемъ іисъ хрѣтовымъ. **Ѡ**кѣ чѣда послѣшаніа, не превобразѣцеса пѣрвыми невѣдѣніа вѣшего похотѣніи, но по звѣвшемѣ въ стѣомѣ, и сѣми стѣи во всемъ житіи вѣдите. Занѣ писано ѣсть: стѣи вѣдите, ѣкѣ ѣзъ стѣ ѣсмь. **И** ѣще Ѡца назывѣете нелицемѣрнѣмъ сдѣаца комѣждо по дѣлѣ, со стрѣхомъ житіа вѣшего врѣма житѣлствѣйте, вѣдаще, ѣкѣ не истѣннѣнымъ сребромъ или злѣтомъ избѣавитеса Ѡ сѣтнаго вѣшего житіа Ѡтца прѣданнаго, но чѣтною кровію ѣкѣ ѣнца непорѣчна и прѣчѣта хрѣта,

Соборнаго посланія Петрова чтение.

Возлюбленни: молю ѣкѣ пришѣлецѣ и стрѣнникѣмъ, ѡгревѣтиса Ѡ плотскіѣхъ похотѣй, ѣже воіютъ на дѣшѣ, житіе вѣше имѣще добрѣ во іазыцѣхъ, да Ѡ нѣмже клеветѣтъ вѣсѣ ѣки злодѣевѣ, Ѡ добрыхъ дѣлѣ видѣвше, прославаѣтъ бѣа въ дѣнь посѣщеніа. **П**овинѣтеса ѡубо всѣкомѣ чѣловѣчѣ создѣнію гѣа ради: ѣще царю, ѣкѣ превладающѣ: ѣще ли же князѣмъ, ѣкѣ Ѡ негѣ посланнѣмъ, во Ѡмѣненіе ѡубо злодѣемъ, въ похвалѣ же вѣготворѣемъ. **Ѡ**кѣ тѣкѣ ѣсть вола вѣіа, вѣлотворѣющимъ ѡвѣздовѣти вѣзѣмныхъ чѣловѣкѣ невѣжство: ѣкѣ свѣбѣдни, ѣ не ѣкѣ прикровѣніе имѣще слѣбы свѣбѣдѣ, но ѣкѣ рави вѣіи. **В**сѣхъ почитѣйте, вратѣство возлюбите, бѣа бѣйтеса, царѣ чтѣте. **Р**ави, повинѣтеса во всѣцѣмъ стрѣсѣ владыкамъ, не тѣкмѣ благимъ и крѣткимъ, но и стрѣптивымъ. **С**ѣ во ѣсть ѡубѣдно прѣдъ бѣгомъ, ѣще совѣсти ради вѣіа терпѣтъ ктѣ скѣрви, страждѣ вѣзъ прѣвды. **К**ѣа во похвала, ѣще согрѣшающе мѣчими терпите; **Н**о ѣще добрѣ творѣще и страждѣще терпите, сѣѣ ѡубѣдно прѣдъ бѣгомъ, на сѣѣ во и звѣни вѣстѣ: занѣ и хрѣтѣсѣ пострада по насъ, намъ ѡставѣ ѡвразъ, да послѣдѣемъ стопамъ ѣго: ѣже

грѣхѣ не сотвори, ни ѡбръѣтеса лѣсть во ѡустѣхъ єгѡ: ѿже ѡукарѣемь протѣвѣ не ѡукарѣше, страждѣ не прециѣше, предаѣше же сѣдѣщемѣ прѣвнѡ: ѿже грѣхѣ нашѣ сѣмь вознесѣ на тѣлѣ своѣмь на дрѣво, да ѡ грѣхъ ѿзбѣвѣше, правдою поживѣмь: єгѡже ѿзвою ѿзцѣлѣсте.

На литии стихиры, глас 2, самогласны.

[Андреа Иерусалимиты:] Грядите собори днесь верных, / благохвальное и красное собрание, / благодати избранныя хитрецы, / Петра и Павла, / подобными хвалами венчаем, / яко независтно всем слово всеявше, / с сими и благодать Духа обогатиша, / и истиннаго винограда суще лозие, / грозд зрел нам возделаша, / веселящъ сердца наша. / К ним же откровеннымъ лицомъ, / и чистою совестию возопиемъ, глаголюще: / радуйтесь, разорители безсловесныхъ, / и служителие словесныхъ. / радуйтесь, всехъ Творца и Строителя, / избрания красная: / радуйтесь, ходатаи благихъ, / и отгонителие лестныхъ, ихже да умолимъ, молитися присно, / к Зиждителю и Учителю, / миръ крепкостоятеленъ міру даровати, / и душамъ нашимъ велию милость.

[Арсениево:] Ученики Христовы, / и основания церкви, / истинныя столпы и стены, / и трубы Божественныя Христовыхъ учений и страданий, / верховныя Петра и Павла, / яко всего міра предстатели восхвалимъ: / сии бо обтекше широту всея земли, / якоже раломъ всеяша веру, / и всемъ богоразуміе всадиша, / Троическое являюще слово. / О Петре, каменю и основанію, / и Павле, сосуде избранный, / иже и сопряженни воли Христовы, / вся привлекоша в богоразумію языки, / грады же и острова, / евреи же паки ко Христу возведоша, / и молятъ спастися душамъ нашимъ.

[Германово:] Петре верховне славныхъ апостолъ, / каменю веры, / и Павле чудне, / святыхъ церковей витія и светильниче, / Божественному престолу предстояще, / о насъ Христу молитися.

Павле уста Господня, / основание учений, / иногда убо гонитель Иисуса Спаса, / ныне же и первопрестольникъ апостоловъ бывъ блаженне. / Темже неизглаголанная виделъ еси мудре, / даже до третіяго небесе возшедъ, / и зывалъ еси: / приидите со мною, / и благихъ не лишимся.

Глас 3.

[Иоанна монаха:] Вышняго Иерусалима граждане, / камень веры, витія церкви Христовы, / Троическая двоица, міра ловцы, / оставльше днесь яже на земли отыдоша страданиемъ к Богу, / и молятся ему со дерзновениемъ, / спастися душамъ нашимъ.

Слава, глас 5:

[Византиево:] Премудрость Божия, / соприисносущное Слово Отчее, / якоже в Евангелиях предрече, / многоплодныя лозы, вы есте всехвальнии апостоли: / иже грозд зрел и красен, / во ветвех ваших носящи, / егоже вернии ядуще, / услаждаем вкус к веселию. / Петре каменю веры, / и Павле похвало вселенныя, / утвердите стадо, еже стяжасте ученьми вашими.

И ныне, Богородичен:

Блажим Тя Богородице Дево, / и славим Тя вернии по долгу, / град непоколебимый, / стену неборимую, / твердую Предстательницу, / и Прибежище душ наших.

На стиховне стихиры самогласны, глас 1. Андрея Критскаго.

Яже по вся грады / узы и скорби твоя, / кто скажет, славне апостоле Павле? / Труды, болезни и бдения, / яже во алчбе и жажде злострастия, / яже в зиме и нагоде, / кошницу и жезлобиения, / каменометания и обхождения, глубины истопления, / позор был еси Ангелов и человеков. / Вся убо претерпел еси о укрепляющем тя Христе, / да мир приобретаеши о Христе Иисусе, / Господе твоём. / Темже молим тя, / творящий память твою верно: / непрестанно моли спастися душам нашим.

Стих: Во всю землю изыде вещание их * и в концы вселенныя глаголы их.

Яже по вся грады вязния и скорби твоя кто исповесть, / славне апостоле? / Или кто представит подвиги и труды твоя, / имиже трудился еси во Евангелии Христове, / да вся приобретаеши и Христу приведеша Церковь. / Но сию проси сохранить доброе твое исповедание, / даже до конечнаго издыхания, / Павле апостоле и учителю церквей.

Стих: Небеса поведают славу Божию, * творение же руку Его возвещает твердь.

Светильники великия Церкви, / Петра и Павла восхвалим: / паче бо солнца возсиявша / на тверди веры и языки / зарями проповедания от неведения возведоша. / Ов убо на кресте пригвождься, / к Небеси шествия твоя, / идеже Царствия ключи от Христа прият, / ов же мечем усечен быв, ко Спасу отшед, / по достоянию ублажаются и оба Израилю возвещают, / яко на Самаго Господа неправедно руке просторе. / Темже молитвами их, Христе Боже наш, / на ны шатающияся низложи / и православных веру утверди, / яко Человеколюбец.

Слава, глас 6. Ефрема Кария:

Праздник радостен возсия концем днесь: / всечестная память премудрых апостол и верховных Петра и Павла, / темже и Рим срадуется, / ликовствуя в песнях и пениях. / Празднуем и мы, братие, / всечестный сей день совершивше. / Радуйся, Петре апостоле, / искренний друже твоего Учителя, Христа Бога нашего. / Радуйся, Павле вселюбезнейший, / и проповедниче веры, и учителю вселенныя, / яко имея дерзновение, / супруже святоизбранный, / Христа Бога нашего молите спастися душам нашим.

И ныне, Богородичен:

Творец и Избавитель мой, / Пречистая, Христос Господь, / из Твоих ложесн прошед, / в мя Оболкийся, / первыя клятвы Адама свободи. / Темже Ти, Всечистая, / яко Божии Матери же и Деве воистинну, / вопием немолчно: / радуйся Ангельски, / радуйся, Владычице, / Предстательство и Покрове / и Спасение душ наших.

На благословении хлебов, тропарь апостолов, дважды, [писан на малей вечерни] и Богородице Дево: единожды, и чтение.

Тропарь, глас 4:

Апостолов первопрестольницы, / и вселенныя учителие, / Владыку всех молите, / мир вселенней даровати, / и душам нашим велию милость.

Слава, и ныне, Богородичен:

Еже от века утаенное, / и ангелом несведомое таинство, / Тобою, Богородице, сущим на земли явися Бог, / в неслитном соединении воплощаемь, / и крест волею нас ради восприим: / имже воскресив первозданного, / спасе от смерти души наша.

НА УТРЕНИ,

На Бог Господь, тропарь апостолов, дважды.

Тропарь, глас 4:

Апостолов первопрестольницы, / и вселенная учителя, / Владыку всех молите, / мир вселенной даровати, / и душам нашим велию милость.

Слава, и ныне, Богородичен:

Еже от века утаенное, / и ангелом несведомое таинство, / Тобою, Богородице, сущим на земли явися Бог, / в неслитном соединении воплощаемь, / и крест волею нас ради восприим: / имже воскресив первозданного, / спасе от смерти души наша.

По 1-й кафисме седален, глас 8:

Подобен: Премудрости:

Глубину ловления оставль, / с небесе прием от Отца Божественное откровение, / Слова воплощения: / и со дерзновением верно вопиял еси / Зиждителю твоему: / Божия Тя вем Сына Единосущна. / Темже по достоянию воистинну показался еси / камень веры, / и ключарь благодати, / Петре апостоле, / моли Христа Бога, / грехов оставление даровати, / празднующим любовь святую память твою.

Слава, глас 1:

Подобен: Камени запечатану:

Церковнаго камня, всехвальнаго Петра, / и поборника Павла, / мирскую мрежу, / достойно восхвалим, вернии, яко имуща ключи небесныя: / от них бо просветися вселенная, / верою Троическою. / Слава Прославльшему вас: / слава Укрепльшему вы: / слава Даровавшему вас ради жизнь вечную.

И ныне, Богородичен:

Руце Твои божественнии, / имиже Создателя понесла еси, / О Дево Пресвятая, / воплощагося благостынею, / простерши умоли Его, / избавити нас от искушений, и страстей и бед, / хвлящих Тя любовью, / и вопиющих: / слава Всельшемуся в Тя, / слава Прошедшему из Тебе, / слава Избавльшему нас Рождеством Твоим.

По 2-й кафисме седален, глас 8:

Подобен: Премудрости:

С небесе звание от Христа приим, / явился еси проповедник Света, / всех благодати озарил еси ученьми, / закона бо служение писмене изстругав, / верным облистал еси разум Духа. / Темже и в третие небо достойне взятся превыспренно, / и в рай достигл еси, / Павле апостоле, / моли Христа Бога согрешений оставление даровати, / празднующим любовию святую память твою.

Слава, глас 4:

Подобен: Явился еси днесь:

Светолучными сиянии, / якоже звезды, / земныя концы просвещаете / учении святыя проповеди, / небеснии таинницы / Господни апостоли.

И ныне, Богородичен:

Теплое Заступление сущим в бедах, / и Помощницу нашу, / и к Богу пременение, / Еюже тли избавихомся, / Богородицу вернии ублажаем.

По полиелеи седален, глас 8:

Подобен: Премудрости:

Верховныя явльшиися от ученик, / великия светильники и светлыя, / Петра да восхвалим и премудраго Павла: / огнем бо Божественнаго просиявшия Духа, / мглу прелести попалиша всю. / Темже и Вышняго Царствия оружныи достойне показашася / и благодати сопрестольницы. / Сего ради вопием: / апостоли Христа Бога, / прегрешений оставление испросите, / празднующим любовию святую память вашу. **[Дважды]**

Слава, и ныне, Богородичен:

Яко Всенепорочная Невесто Творцу, / яко Неискусомужная Мати Избавителя, / Приятелище яко сущи Утешителя Препетая, / беззаконию мя суще скверное обителище, / и бесом игралище в разуме бывша, / потщися от тех злодейства мя избавити, / и светлое жилище добродетелей соверши, / светоносная Нетленная: / отжени облак страстей, / и Вышняго причастия сподоби, / и Света Невечерняго молитвами Твоими.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящий Сиона, / посрамитесь от Господа, / яко трава бо огнем / будете изсохше.

Слава: / Святым Духом / всяка душа живится, / и чистотою возвышается, / светлеется Троическим Единством священнотайне.

И ныне, тойже.

Прокимен, глас 4:

Прокимен: Во всю землю изыде вещание их, * и в концы вселенныя глаголы их.

Стих: Небеса поведают славу Божию, творение же руку Его возвещает твердь.

Всякое дыхание:

Стих: Хвалите Бога во святых Его:

Евангелие Иоанна, зачало 67.

Когда же они оведали, Исус говорит Симонъ Петрѹ: **Е**гда же ѡбѣдоваше, г҃ла сімонѹ петрѹ іисѹ: сімонѣ іѡнннѣ, любивиши ли мѧ паче сіхѣ; **Г**лагола е҃мѹ: ѣй, г҃ди, ты вѣси, ѣкѡ люблю тѧ. **Г**҃ла е҃мѹ: паси ѡгнцы моѧ. **Г**҃ла е҃мѹ паки второѣ: сімонѣ іѡнннѣ, любивиши ли мѧ; **Г**҃ла е҃мѹ: ѣй, г҃ди, ты вѣси, ѣкѡ люблю тѧ. **Г**҃ла е҃мѹ: паси Ѡвцы моѧ. **Г**҃ла е҃мѹ третїе: сімонѣ іѡнннѣ, любивиши ли мѧ; **Ѡ**скорвѣ (же) пѣтрѣ, ѣкѡ рече е҃мѹ третїе: любивиши ли мѧ; и глагола е҃мѹ: г҃ди, ты всѧ вѣси: ты вѣси, ѣкѡ люблю тѧ. **Г**҃ла е҃мѹ іисѹ: паси Ѡвцы моѧ: а҃минь, а҃минь г҃лю тебѣ: е҃гда выль еси ѡнѣ, поасалса еси самѣ и ходилѣ еси, а҃може хочѣлѣ еси: е҃гда же состарѣешиса, воздѣжеши рѣцѣ твоѣ, и ѡнѣ тѧ поашетѣ и ведѣтѣ, а҃може не хочѣши. **С**їе же рече, назнѧменѡ, коѣю смѣртїю прослѧвитѣ вѣа. **И** сїѧ рекѣ, г҃ла е҃мѹ: иди по мнѣ. **Ѡ**вращьса же пѣтрѣ видѣ о҃чнѣка, е҃гоже люблѧше іисѹ, вслѣдѣ идѡща, ѡже и возлеже на вѣчери на перси е҃гѡ и рече: г҃ди, кто е҃сть предаѡи тѧ; **С**егѡ видѣвѣ пѣтрѣ, глагола іисови: г҃ди, сѣй же что; **Г**҃ла е҃мѹ іисѹ: а҃ще хочѡ, да тоѡ превывѧетѣ, дѡндеже прїидѡ, что кѣ тебѣ; ты по мнѣ г҃ради. **И**зыде же слово сѣ въ братїю, ѣкѡ о҃чнѣкъ тоѡ не о҃мретѣ. **И** не рече е҃мѹ іисѹ, ѣкѡ не о҃мретѣ, но: а҃ще хочѡ то мѡ превывѧти, дѡндеже прїидѡ, что кѣ тебѣ; **С**ей е҃сть о҃чнѣкъ свидѣтелствѡй ѡ сіхѣ, ѡже и написѡ сїѧ: и вѣмѣ, ѣкѡ истинно е҃сть свидѣтелство е҃гѡ. **С**ѣть же и ѡна мнѡга, ѡже сотвори іисѹ, ѡже а҃ще бы по е҃дино мѡ писана быша, ни само мѡ мнѡ (всемѡ) мїрѡ вмѣстїти пишѣмыхѣ кнїгѣ. **А**минь.

По 50-м псалме стихира, глас 6:

Самогласна:

Благочестия истинныя проповедники, / и церкви пресветлыя звезды, / песнями похвальными почтим, / Петра камня веры, / и Павла истиннаго учителя, и таинника Христова: / сии бо истинное слово / всеявше в сердца верных, / всем плодоносие дарующа, / и молят Христа Бога, спастися душам нашим.

Канона два. Творение Иоанна Дамаскина.

Первый святого апостола Петра, глас 4, со ирмосом на 8: ирмос по дважды, тропари на 7.

Песнь 1.

Ирмос: Несть Тебе подобен, / Препрославленный Господи, / рукою бо крепкою избавил еси люди, / яже стяжал еси, / Человеколюбче.

Верховнейшаго апостолов днесь, яко первозваннаго Христова, богодохновенными песнями достойно воспоем.

Тя Предвечный проуведев предустави, всеблаженне Петре, яко предстателя Своея церкви, и первопрестольника.

Ни плоть, ниже кровь тебе, но Отец вдохну, Христа богословити Сына Истиннаго Бога Вышняго, апостоле.

Богородичен: Гору святую, превышнее носило, Матерь Божию, и Деву Истинную по Рождестве воспоем.

Ин канон святого апостола Павла, тропари на 7. Глас 8:

Песнь 1.

Ирмос: Посеченый несекомаго пресече, / и виде солнце землю, юже не виде: / лютаго врага вода потопа, / и непроходимое пройде Израиль. / Песнь же воспевашеся: / Господеви поим, славно бо прославися.

Якоже сущая нарицаемая не сущая, Христос Божественным разумом, Павле всеблаженне, Той из матерня чрева тя избра, понести пред языки Божественное Его Имя, еже паче всякаго имене: славно во прославися.

Будущее возвещая тебе сияние, благочестия Павле, и лести очищение, Христос являясь на горе молниезрачен, очи убо помрачает плотския, душевныя же вразумляет Троицким разумом: славно бо прославися.

Обрезание убо совершая осмодневное, и ревнитель отеческих, Павле, преданий, от семени еврейска, колена Вениаминова, по закону же фарисей явлься, вменил еси вся уметы, и Христа приобрел еси: славно бо прославися.

Богородичен: Чистая Мати Бога Вседержителя, от царскаго колена, Владычице, израстши, и Единая Бога всеми царствующаго рождающая плотию паче естества, от бед мя Спаси, Сыну Твоему поюща: славно бо прославися.

Катавасия: Отверзу уста моя, / и наполнятся Духа, / и слово отрыгну Царице Матери, / и явлюся светло торжествуя, и воспою радуясь Тоя чудеса.

Песнь 3.

Ирмос: Не мудростию и силою, / и богатством хвалимся, / но Тобою, Отчею Ипостасною мудростию, Христе: / несть бо свят, паче Тебе, Человеколюбче.

Тя блаженна, сладкая уста Христа Бога, и сокровище твердо Царствия показаша: темже воспеваем Тя, Петре апостоле.

На камени Твоего богословия, водрузи Владыка Иисус церковь непреклонну: в нейже ты, апостоле Петре, славим.

Яко пребольши ангел, Петр в телеси: во светлом бо пришествии сего Христос Бог, судию же и соседателя быти рече.

Богородичен: Неискусобрачная Бога плотию рождающая, страстными прилоги преклонена мя утверди: несть бо Чистая, разве Тебе помощницы.

Ин.

Ирмос: Ты еси Утверждение / притекающих к Тебе, Господи, / Ты еси Свет омраченных, / и поет Тя дух мой.

Ты камень основания верным душам положился еси, многоценен, краеуголен, Спаса и Господа.

Павле всеблаженне, на основании твоём, молися, добродетелей всехвальных назидатися светлости.

Всегда мертвость Иисусову, на твоём теле совершенно, Павле, обносый, сподобился еси истинная жизни.

Богородичен: Тя вси стяжахом прибежище, и стену нашу Христиане: Тя славословим немолчно, Безвестная.

Катавасия: Твоя песнословцы, Богородице, / живой и независтый источник, / лик себе совокупльшия духовно утверди, / в Божественней Твоей славе, / венцев славы сподоби.

Ипакои, глас 8:

Кая темница не име тебе юзника? кая же церковь не имать тя витию? Дамаск великомудрствует о тебе, Павле: веде бо тя запята светом: Рим твою кровь приемый, и той хвалится: но и Тарс множае радуется, и любит почитая твои пелены. Петре веры каменю, Павле похвало вселенная, от Рима сошедшея утвердите нас.

Песнь 4.

Ирмос: Сей Бог наш, от Девы воплощся, / и естество обожив, / Егоже воспевающе вопием: / слава силе Твоей, Господи.

Человеком ловца тя, якоже обеща Христос, содела Божественна, своя Церкве, первому вручив кормила.

Тобою умоляемь Жизнодавец Иисус, вязати же и решити давай тебе власть, Петре, да будет ми милостив.

Христово Царствие отверсти, прилежно молися, Петре, Божественную твою память, верою несумненною чтушим.

Богородичен: Госпоже Всепетая Богородительнице, моя помышления Твоими молитвами очистивши, покажи мя благоплодна, Мати всех Бога.

Ин.

Ирмос: Всел еси на кони, апостолы Твоя Господи, / и приял еси рукама Твоима узды их, / и спасение бысть еждение / Твое верно поющим: / слава силе Твоей, Господи.

Вседе якоже лев, яровидно погубляя Христову церковь, Савл иногда, ят же быв Божественным гласом Агнца Божия, Егоже гоняше, стадо яко пастырю вручает.

Хотяй просветити вселенную омрачается: Анания же к сему послася, душевное же просвещение дай и телесное, от Божественнаго явления, сосуд избран показав того.

Павлом достойно Дамаск напояется: от сего бо якоже от рая иногда, вод Божественных сей произыде великий источник, и упои всю богоразумием независтно землю.

Богородичен: Низложи сильныя со престол Господь, Дева и Мати якоже рече: алчущия же Божественных благ исполни, верою зовущия: слава силе Твоей, Господи.

Катавасия: Седяй в славе, / на Престоле Божества, / на облаце легце, / прииде Иисус Пребожественый, / нетленною дланию и спасе зовущия: / слава, Христе, силе Твоей.

Песнь 5.

Ирмос: Стяжавый ны избранныя люди, / кровию Твоею, Господи, / Твой мир даждь нам, / во единомыслии сохраняя / стадо Твое.

Иже от любве приим дерзновение к Богу, достойно чудимь бываше, ловец и невежда, чудодействуя преславно благодатию.

Не злато Тебе ради, ни сребро, Христе, Божественный Твой апостол, но добродетель стяжав, чудес обогатися силою.

Исправляхуся стопы и глезне хромых, действенным твоим глаголом: Божественным бо Духом совершахуся преславныя вещи.

Богородичен: Воплотися Бог по Ипостаси, Чистая, из Тебе плотию соединяемь, пребыв неизменен, по Божественному существу безплотен.

Ин.

Ирмос: Просвети нас повелении Твоими, Господи, / и мышцею Твоею высокою, / Твой мир подаждь нам, / Человеколюбче.

Ты истинную избрал еси, Павле, похвалу, крест Царя Христа присно нося, якоже победу, апостоле.

Тебе еже жити, Христос, и еже умрети, приобретение изрядно: любовию бо сраспялся еси Распеншемуся нас ради, Павле преславне.

Радуешися воистинну о Господе, Павле честный, изшед из телесе, и отшед ко Христу Жизнодавцу Богу.

Богородичен: Моли присно Сына Твоего и Бога нашего, Неискусобрачная, Марие Чистая, послати нам верным милость.

Катавасия: Ужасошася всяческая / о Божественной славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя / мир подавающая.

Песнь 6.

Ирмос: В ките, Христе, тридневновав Иона, / прописа Тя Безсмертнаго, / яко мертва волею, / в сердце земнем / тридневновавша.

Якоже древле, Христе, десницею Твоею по воде пеша ходяща, Петра спасл еси: и мене потопляема бурей лютых напастей Спаси, яко милосерд.

Оставил еси, о Петре! не сущая, и сущая достигл еси, якоже некий купец: и яве уловил еси бисер, Христа, многоценный.

Искушати безумно покусившийся Духа Пресвятаго, Петре, умертвил еси: Егоже богословил еси ты первее, яве исповедав Бога, всеблаженне.

Богородичен: Всякаго вышша существа, Слово Божие родила еси, воплощенно нам: темже Богородицу Тя устнами же и душею проповедуем.

Ин.

Ирмос: Молитву пролию ко Господу, / и Тому возвещу печали моя, / яко зол душа моя исполнися, / и живот мой аду приближися, / и молюся яко Иона: / от тли Боже, возведи мя.

Вся пренебрег красная міра, уязвен Владычнею любовию, и общаго спасения желанием, свидетельствовати тому изволив, о Павле блаженне! и ныне о вселенней молися.

Яко изрядный Владыце подобник, и в Того одеян Павле, воистинну всем был еси всяк, да вся приобрящеши, и спасеши люди: и спасл еси, яко воистинну Христу уловив концы.

Достойно тебе дарова Христос житие апостоле Павле на небесех: пребывающаго бо zde не возжелал еси града, блаженне, верен служитель быв, и строитель таин Его.

Богородичен: Призре на Тя Господь, мое обновляя существо, яко Силен, величия сотвори, Богородительнице, якоже рекла еси Всенепорочная: и Спасе мя Тобою из тли Бог мой, яко Милосерд.

Катавасия: Божественное сие и всечестное / совершающе празднество / богомудрии Богоматере, / приидите руками восплещим, / от Нея рождшагося Бога славим.

Кондак, глас 2:

Твердыя и боговещанныя проповедатели, / верх апостолов Твоих, Господи, / приял еси, в наслаждение благих Твоих и покой: / болезни бо оных и смерть приял еси, / паче всякаго всеплодия, Едине Сведый сердечная.

Икос: Уясни мой язык, Спасе мой, расширив моя уста, и исполнив я, умили сердце мое, да яже глаголю, последую, и яже убо учу, сотворю первее: всяк бо творя и учя, рече, сей велик есть. Аще бо глаголю, и не творю, яко медь звенящая вменюся: темже рещи ми подобная, и творити полезная даруй, Едине Сведый сердечная.

Песнь 7.

Ирмос: В начале Безначальное Слово, / со Отцем и Духом, / Сын Единородный, / благословен еси и превозносимый, / Боже отец наших.

Милостивному, Божественным промыслом Христовым наказуемь подобитися, попущен был еси прежде страсти, Петре, отвержения подпасти волнению.

Тебе Христос, первоозванному и зело возлюбленному, яко председателю благославному апостолов первому является, воскрес от гроба.

Твое трикратное, еже прежде страсти, исцеляя отвержение Владыка, трикратным боговещанным, Петре, вопрошением утверждает любовь.

Еже ко Христу, Петре, любления предлагал еси свидетеля, и Всевидящаго яко Бога Слова: темже и любимое вручает тебе стадо.

Богородичен: Яже во утробе Превечнаго, от Отца Возсиявша, Бога Слова плотию заченшую, вси ублажаем, яко Матерь всех Бога.

Ин.

Ирмос: На поле Деире иногда мучитель / пещь постави на мучение богоносных, / в нейже три отроки песнословяху единого Бога, / Троично воспеваху глаголюще: / Отец Боже благословен еси.

Бысть, Христе, печать и венец апостолов Твоих, иже на последок званный времен, тщанием же всех превозшед. С нимже людие церковнии поют Тебе: отец наших, Боже, благословен еси.

Аще и гонив первее Церковь Твою Павел узник, но премину древнюю дерзость Твоею ревностью последи. Собра бо, Христе, языки зовущия: отец наших Боже, благословен еси.

Ты из Иерусалима проповедав всем Евангелие, объят же окрест всю землю Павле, даже до конец Иллирика учя, зывал еси: отец наших Боже благословен еси.

Во ужасе взят быв, третие достигл еси небо пребогате, и услышав неизглаголанная словеса, вопиеш: слава Превышнему Отцу, и Сыну, сияние же сопрестольно испытующаго яве Духа Божия глубины.

Богородичен: Якоже на руно дождь на Тя сниде Дево Христос Бог, и Плотносец из Тебе пройде, соединяя прежде разстоящая, мир на земли и на небеси даруя: отец наших Боже благословен еси.

Катавасия: Не послужиша твари богомудрии / паче Создавшаго, / но огненное прещение мужески поправше, / радовахуся поюще: / препетый отцев Господь и Бог благословен еси.

Песнь 8.

Ирмос: Всяческая носяй неприступною / Твоею силою, Христе, / преподобныя Твоя отроки / в пламени оросил еси, зовущия: / благословите вся дела Господня Господа.

Воздежут твои руке, и ко кресту ты препояшут, Владыка предрек, Петре, повелевает последовати зовущу: благословите вся дела Господня Господа.

Благодати словом, Енеа убо разслабленна люте, Тавифу же умершую, чудодействуя воскресил еси зовущия: благословите вся дела Господня, Господа.

Иже Петру языки очищены поведав, Христе, духовною зарею, и мне помышления очисти, зовущу: благословите вся дела Господня Господа.

Богородичен: Всесвятая Дево, яже Бога Слова рождшая плотию, души мояя мрак Твоими молитвами отгнавши, просвети зывающа: благословите вся дела Господня Господа.

Ин.

Ирмос: На горе святей Прославльшася, / и в купине огнем Приснодевы / Моисеови тайну Явльшаго, / Господа пойте и превозносите во вся веки.

Срастворися любовию Твоею, Павел, добрым же изменением изступи: не себе бо живяше славный, имяше же, Щедре, живуща Тя в себе во вся веки.

Ты обручил еси якоже невесту представи, Жениху Христу Церковь: невестовождь бо сея показался еси, Павле Богоносе. Темже ты славит во вся веки.

Подвизался еси добрым подвигом, и скончав течение твое законно, сокровище веры соблюл еси: темже венцев, Павле, сподобился еси правды.

Богородичен: Радуйся Престоле огнезrachный Господень: радуйся Невесто Невестная, Дево. Радуйся, облаче, Солнца возсиявшая правды: Егоже превозносим во вся веки.

Катавасия: Отроки благочестивыя в печи, / Рождество Богородичо спасло есть, / тогда убо образуемое, / ныне же действуемое, / вселенную всю воздвизает пети Тебе: / Господа пойте дела, / и превозносите Его во вся веки.

Песнь 9.

Ирмос: Тя Преславную Невесту, / и Всесвятую Богородицу, / Зиждителя рождшую / невидимых же и всех видимых, / песнями величаем.

Твоя преизящная благодать славится достойно, сени бо твоей страсти немощных, Петре, отгоняющей: темже тя величаем.

Мечтаньми Симона волхва богоборца, взята к воздушней высоте, низложив неизглаголанною Божественною силою, Петр ублажается.

Согрешений разрешение, молитвами твоими подаждь, просвещение же сердца, и веселие Духа, поющим память твою, апостоле.

Твоя вся исполнена славы, освящения же и чудес: словеса, мощи, персть, и верю, Петре, покланяемая и любовьию Божественныя вериги.

Богородичен: Твое имя плод чрева, содея ликовника песнь пети Тебе. Яже радость рождши, велегласно радуйся провещавающа.

Ин.

Ирмос: Уставы прешла еси естества, / Содетеля заченши и Господа, / и дверь Спасения мірови была еси. / Тем Тя Богородице, / непрестанно величаем.

Твоим покланяемся веригам, яже за Христа яко злодей носил еси: язвы же Павле облобызаем, яже на славнем твоём и победоноснем носиши телеси.

Ныне разрешился еси, апостоле, ко Иже тобою непрестанно Желаемому: с Нимже яко служитель водворяясь, непрестанными мольбами, твоя рабы к себе привлецы.

Ныне никакоже в гаданиих, ниже в зеркале Христос тебе зримь есть: лицом же паче зрится к лицу совершенно тебе разум открывая Божества.

Богородичен: Ты, Пресвятая Богомати, похвала Христовых апостолов была еси, мученков же слава, и пророков основание: темже вернии Тя вси достождно величаем.

Катавасия: Всяк земнородный / да възиграется Духом просвещаемь, / да торжествует же безплотных умов естество, / почитающее священное торжество Богоматере, / и да вопиет: / радуйся всеблаженная / Богородице, Чистая Приснодево.

Светилен:

Подобен: Жены услышите:

Апостолов вси верх воспоем, / Петра и Павла божественных, / вселенных
святильники, / проповедники веры, / богословных трубы, учений сказатели, /
церковных столпы, / и разорители лести. **[Дважды]**

Слава, и ныне, Богородичен:

Велико и преславно Рождества Твоего таинство, / Богородованная
Отроковице, и Богомати Дево, / пророцы проповедаша, / апостоли научиша,
мученицы исповедаша: / ангели же воспевают, и человецы поклоняются.

На хвалитех стихиры, на 4, глас 4:

Подобен: Званный свыше:

С небесе благодать прием, / егда вопрошение учеником Спас, /
дванадесятчисленным рече апостолом: / кого Мя глаголют человецы быти? /
тогда убо лучший апостолов Петр, / богословствуя отвеща, / ясно возопив: / Ты
еси Христос Живаго Бога Сын. / Темже достойно ублажается, / яко свыше прием
откровение, / вязати же и решити праведно прием.

Иже от Отца явлься Божие Слово, / кого Мя нещуете вопрошающу Христу, /
Ты Живаго Отца Сын, / яко всем уста богогласуя, абие возопил еси: / темже и
блажен еси Симоне вар Иона, / возмездие приял еси. / Ибо славит Бог сего верно
славящая, / и к восприятию богато призывает, / и камня тебе непостыдна /
Церкви водружение и основание положи.

Свыше зван быв, / а не от человек, / егда земная тьма помрачи очи телесных, /
нечестия обличая сетование: / тогда небесный свет облиста мысленнии очи, /
благочестия открывая красоту. / Темже познал еси Изводящаго свет из тьмы, /
Христа Бога нашего: / Егоже моли, спасти и просветити души наша.

Христопроповедник сый, / крестную похвалу носяй, / ты, многорачительную
Божественную любовь, / яко зрящих связующую к желаемому, / воистинну паче
всех проразсудил еси. / Темже и узник прозвался еси Христов, / напастей
неудобство, / яко сладчайшее пищи всякия изволивый, / и честных кончины
разрешения сподобился еси, / живой Владыце твоему: / Егоже моли, спасти и
просветити души наша.

Слава, глас 6.

[Космы монаха:] Всечестный апостолов / приспе праздник Церкви Христове,
/ ходатайствующий спасение всем нам. / Тайно убо восплескавше, к сим рцем: /
радуйтеся святильники, / сущим во тьме мысленнаго солнца зари облистающии. /
Радуйтеся, Петре и Павле, / учений Божественных основания незыблема, / друзи
Христовы, сосуди честнии: / приидите посреди нас невидимо, / сподобляюще
даров невещественных, / ваш праздник восхваляющих песньми.

И ныне: Богородице, ты еси Лоза истинная, / возрастившая нам Плод Живота, / Тебе молимся, молися, / Владычице, / со святыми апостолами, / помилуй души наша.

Славословие великое. И отпуст.

НА ЛИТУРГИИ:

Блаженна, от канона апостола

Петра, песнь 3-я, на 4. И Павла, песнь 6 на 4.

Тя блаженна, сладкая уста Христа Бога, и сокровище твердо Царствия показаша: темже воспеваем Тя, Петре апостоле.

Стих: Блажени чистии сердцем, яко тии Бога узрят.

На камени Твоего богословия, водрузи Владыка Иисус церковь непреклонну: в нейже ты, апостоле Петре, славим.

Стих: Блажени миротворцы, яко тии сынове Божии нарекутся.

Яко пребольши ангел, Петр в телеси: во светлом бо пришествии сего Христос Бог, судию же и соседателя быти рече.

Стих: Блажени изгнани правды ради, яко тех есть Царство Небесное.

Ты камень основания верным душам положился еси, многоценен, краеуголен, Спаса и Господа.

Стих: Блажени есте, егда поносят вам, и ижденут, и рекут всяк зол глагол на вы лжуще Мене ради.

Якоже древле, Христе, десницею Твоею по воде пеша ходяща, Петра спасл еси: и мене потопляема бурей лютых напастей Спаси, яко милосерд.

Стих: Радуйтесь и веселитесь, яко мзда ваша многа на Небесех.

Оставил еси, о Петре! не сущая, и сущая достигл еси, якоже некий купец: и яве уловил еси бисер, Христа, многоценный.

Слава: Искушати безумно покусившийся Духа Пресвятаго, Петре, умертвил еси: Егоже богословил еси ты первее, яве исповедав Бога, всеблаженне.

И ныне: Вся пренебрег красная міра, уязвен Владычною любовию, и общаго спасения желанием, свидетельствовати тому изволив, о Павле блаженне! и ныне о вселенней молися.

Тропарь, глас 4:

Апостолов первопрестольницы, / и вселенная учителяе, / Владыку всех молите, / мир вселенной даровати, / и душам нашим велию милость.

Кондак, глас 2:

Твердыя и боговещанныя проповедатели, / верх апостолов Твоих, Господи, / приял еси, в наслаждение благих Твоих и покой: / болезни бо оных и смерть приял еси, / паче всякаго всеплодия, Едине Сведый сердечная.

Прокимен, глас 8:

Прокимен: Во всю землю изыде вещание их, и в концы вселенныя глаголы их.

Стих: Небеса поведают славу Божию, творение же руку Его возвещает твердь.

Апостол к Коринфяном, зачало 193.

По досаждёнїю глаголю, занè аки мы̀ изнемогóхомъ. **Ѡ** нѣмже аще дерзаетъ кто̀, несмысленно глаголю, дерзая̀ и азъ. **Е**врее ли сѣтъ; и азъ. **И**ишите ли сѣтъ; и азъ. **С**ѣмъ авраамѣ ли сѣтъ; и азъ. **С**лѣжителїе ли хрїтѣвы сѣтъ; не въ мѣдрости глаголю, паче азъ. **В**ъ трѣдѣхъ множае, въ ранахъ превѣ, въ темницахъ и злиха, въ смѣртѣхъ многаци. **Ѡ** иждѣй пѣть краты четыредесѣть развѣ единыа прїахъ: трици пѣлицами вѣнъ быхъ, единою камениа наметанъ быхъ, трикраты корабль ѡпровержеса со мною: нощь и дѣнь во гдѣбинѣ сотворихъ: въ пѣтныхъ шѣствїихъ множицею: вѣдѣ въ рѣкахъ, вѣдѣ Ѡ развѣйникъ, вѣдѣ Ѡ срѣдникъ, вѣдѣ Ѡ изыкъ, вѣдѣ во градѣхъ, вѣдѣ въ пѣстыни, вѣдѣ въ мѣри, вѣдѣ во лжевѣрчїи: въ трѣдѣ и пѣдвизѣ, во вѣдѣнїихъ множицею, во ачѣвѣ и жажди, въ пощѣнїихъ многаци, въ зимѣ и наготѣ. **К**ромѣ вѣдѣшнихъ, нападѣнїе еже по всѣ дни, и попечѣнїе всѣхъ црѣквей. **К**то̀ изнемогаетъ, и не изнемогаю; **К**то̀ соблазняется, и азъ не разжизаюса; **А**ще хвалитиса ми подобаетъ, ѡ нѣмощи моеї похвалюса. **Б**гъ и оцъ гдѣ нашего ииса хрїта вѣстъ, сын вѣвѣнъ во вѣки, ѣкѡ не лгѣ. **В**ъ дамѣсцѣ изыческїй князь ареѣы царѣ стрѣжаше дамѣсцъ градъ, ѣти мѣ хотѣ: и оконцемъ въ кошницѣ свѣшенъ быхъ по стѣнѣ, и извѣгохъ изъ рѣкѣ егѡ. **П**охвалитиса же не пользуетъ ми: прїидѣ во въ видѣнїа и ѡкровѣнїа гдѣна. **В**ѣмъ челоѣка ѡ хрїтѣ, прѣжде лѣтъ четыренѣдесѣти: аще въ тѣлѣ, не вѣмъ, аще ли кромѣ тѣла, не вѣмъ, бгъ вѣстъ: восхицѣна бывша такоѡго до трѣтїагѡ нѣсѣ. **И** вѣмъ такоѡ челоѣка: аще въ тѣлѣ, или кромѣ тѣла, не вѣмъ: бгъ вѣстъ: ѣкѡ восхицѣнъ бысть въ рай, и слыша неизрѣченны гѣголы, ѣхже не лѣтъ ѣсть челоѣкѣ глаголати. **Ѡ** такоѡ вѣмъ

похвали́са: ѿ себѣ же не похвали́са, то́кми ѿ нѣмоцехъ мо́ихъ. **А**ще бо восхо́щѣ похвали́тиса, не бѣ́дѣ бездѣ́менъ, и́стинѣ бо рекѣ: цаждѣ́ же, да не ка́кь кто̀ вознепѣ́детъ ѿ ми́ѣ па́че, ѣ́же ви́дитъ мѧ, или́ слы́шитъ что̀ ѿ мене́. **И** за пре́инѡгаа ѿкро́вѣнѧ да не превозно́шѣса, даде́са ми́ па́костникъ плѣ́ти, а́ггелъ сатани́нъ, да ми́ па́кѡсти дѣ́етъ, да не превозно́шѣса. **Ѿ** се́мь трикрати́ гдѧ моли́хъ, да ѿстѣ́питъ ѿ мене́, и́ рече́ ми: довлѣ́етъ ти́ блѣ́тъ моѧ: си́ла бо моѧ въ нѣмо́ци соверша́етса. **С**ла́дце ѡ́убо похвали́са па́че въ нѣмоцехъ мо́ихъ, да всели́тса въ мѧ си́ла хрѣ́тѡва.

Аллилуиа. глас 1: Исповедят небеса чудеса Твоя, Господи:

Евангелие Матфеа, зачало 67.

Прише́дъ же и́исъ во страны́ кесари́и фѣли́пповы, вопроша́ше о́учникѣ своѧ, глѧ: когѡ́ мѧ глаго́лютъ чело́вѣцы вы́ти, сѧа члѣ́вческаго; **Ѿ**ни́ же рѣ́ша: Ѻ́ви ѡ́убо іо́анна крѣ́тителѧ, и́нии же и́иѹ, дрѣ́зи же іе́ремию или́ е́динаго ѿ прѣ́рѡкъ. **Г**ла́ и́иъ (и́исъ): вы́ же когѡ́ мѧ глаго́лете вы́ти; **Ѿ**вѣ́щавъ же си́монъ пе́тръ рече́: ты́ еси́ хрѣ́тѡсъ, сѧъ вѣ́а живѧгѡ. **И** ѿвѣ́щавъ и́исъ рече́ е́мѣ: вѣ́женъ еси́, си́моне, ва́ръ іо́на, ѧ́кѡ плѣ́тъ и́ кро́вь не ѧ́ви тебѣ́, но о́цъ мо́й, и́же на нѣ́сѣхъ: и́ азъ же тебѣ́ глѹ, ѧ́кѡ ты́ еси́ пе́тръ, и́ на се́мь ка́мени сози́ждѣ црѣ́ковь моѹ, и́ врата́ а́дѡва не ѡ́долѣ́ютъ е́й: и́ дамъ ти́ ключѣ́ црѣ́тва нѣ́нагѡ: и́ ѣ́же а́ще свѧ́жешѣ на землѣ́, вѣ́детъ свѧ́зано на нѣ́сѣхъ: и́ ѣ́же а́ще разрѣ́шиши на землѣ́, вѣ́детъ разрѣ́шено на нѣ́сѣхъ.

Причастен: Во всю землю изыде вещание их, и в концы вселенныя глаголы их.